

閩媛典第一百六十五卷

閩節部列傳四十七

明四十二 火鉞妻葉氏 劉昊妻許氏

按江都縣志葉氏名肅貞揚州衛舍人火鉞妻夫亡守節終身

按江都縣志許氏劉昊妻孀居

六十年撫子棟爲滑縣尉次繼成郡諸生孫惟珍寶坻縣尉皆許氏力也

許某妻周氏

按江都縣志周氏名貞卿郡諸生許某妻年二十二歸許二年許亡無子以姪某爲後卒年八十

李廷用妻陳氏

按儀真縣志陳氏李廷用妻性貞靜嚴潔嘔笑不苟生二子未卯角而廷用卽世陳年二十九哀毀已絕復蘇旣而曰死則死耳匪所以存吾孤也遂苦節撫孤有剉薦畫荻之風卒年七十七同里黃秋谷誌其墓

謝朝恩妻劉氏

按儀真縣志劉氏謝朝恩妻豫章梓溪世家女也生子早殤年二十九恩亡劉哭曰吾不忍謝氏無後撫四歲嗣子士英愛之過於己出年八十郡縣旌之

李杞妻張氏

按儀真縣志張氏李杞妻年三十杞死家無生產子女各二齒俱穉母家令改節張曰不敢以子女重傷高堂心遺地下憾躬緝繯以教其子姑久病晝夜不離左右三月歷苦節四十年如一日

侯詔妻高氏

按儀真縣志高氏侯詔妻年二十詔死教子惟光惟墉成立守志六十餘年冰霜之操如一日縣令旌表

萬煥妻張氏

按儀真縣志張氏字少姬萬煥妻義士張東溪女年十七生子培方二齡煥沒姊適王先孀少姬感泣告父母曰吾姊妹俱失所天姊無出尚不貳志兒幸有子復何求哉遂一意撫孤以薑桂性勵松柏操三十餘年教子成立

賀一梅妻侯氏

按儀真縣志侯氏賀一梅妻侯維亮女年十六適梅某年梅亡誓不更適止一子復歿屢勸改適輒泣謝曰天能奪吾嗣不能奪吾志聞者皆泣下貧無聊生針刺自給年七十二終

侯于衛妻顧氏

按儀真縣志顧氏侯于衛妻年二十五衛死或以家貧諷之則曰與子女共生死耳家無立錫嘗楊腹無怨教孤耕桑以營衣食婚嫁年七十有四每憶往事輒復惘然

姜起周妻陳氏

按儀真縣志陳氏太學生嘉禾女民部濟孫幼嫺家訓事繼母極孝適姜起周年三十而寡教二子長里望有美德以目肯廢書次士望成進士官祕書膺勅命贈孺人遷天官又勅命爲安人

蔣文宰妻俞氏

按儀真縣志俞氏蔣文宰妻年二十七文宰死遺子汝昌甫二歲家窘甚或勸他適不聽年八十二卒禮部尙書林欲楫旌其門汝昌後以武功著

劉君用妻徐氏

按儀真縣志徐氏劉君用妻幼事母孝年十六薦股肉以愈母疾十八適君用已失舅姑無妯娌越七年用亡遺孤二長芳名四歲次彌月氏誓卽同穴觸棺仆地母陳以兩孤切諭之乃不死家值中落緡繡自給親族勸從權徐大呼哭死復甦至夜分投溺池中以救免自後無復敢言及病將訣芳名達賈數百里忽心動并日而至得見母面苦守五十二年年七十有八

李埴妻張氏

按儀真縣志張氏名善敬李埴妻諸生張承詔女年二十二歸李勸埴力學得餽於庠生子二齡埴亾張飲冰茹藥攻女紅以教其子事姑嫜伯父無少失禮幼讀書通文而不弄柔翰勵節凡六十餘年卒

陳士仁妻劉氏

按儀真縣志劉氏名順貞陳士仁妻御史劉學詩妹事孀姑孝供士仁讀書無內顧憂生子元吉四歲士仁沒劉抱弱息撫膺呼天恐恐然惟元吉不克長承宗祧是慮茹苦如飴課元吉補博士弟子

食廩餼居恆常以貞潔勸人姻戚感動興起者甚衆苦節六十餘年見元吉膺歲薦始沒

馬應兆後妻張氏

按儀真縣志張氏馬應兆後妻本衛千戶女兆死張年二十一家中落三子無依張罄簪珥勤紡績教子登雲讀書爲諸生苦節四十餘年旌表

陳洪振妻林氏

按儀真縣志林氏陳洪振妻年十九適振二十八振亾遺二孤皆在提抱氏守之後教之讀書充聞見逮成人以局幹著苦節五十六年八十四卒有司旌之

詹大化妻戴氏

按儀真縣志戴氏儒士詹大化妻性嚴正知禮法生子女各一化沒戴欲從死以翁姑皆七十餘人慰勉之乃止事翁姑甚謹克終養或微諷之卽引刀自向子起龍方提抱涎其家者頗謀之戴百計護持以迄成立女長嫁金士杰龍年七十四猶樂善不倦孫鍾祥幼嘗刲股救母猶得戴之遺教焉

黃淪妻楊氏

按儀真縣志楊氏黃瀾妻年二十四瀾亡遺孤僑甫半歲鞠育教誨食貧四十七年內外咸憚之嘉靖中詔旌表

王寶繼妻吳氏

按儀真縣志吳氏王寶繼妻正德十一年寶亡吳年二十有五生遺腹子如孝茹苦勵節以死自矢撫孝克盡義方後孝任河南經歷遷判夔州迎養於官卒年七十有四嘉靖間以狀聞詔旌其門

許承鸞妻鮑氏

按興化縣志鮑氏許承鸞妻年二十鸞亡毀形自矢紡績而食撫遺孤成立建坊旌表

宗氏女

按興化縣志宗氏女兵馬指揮宗部女也許字陳必堯必堯讀書高郵倭寇至縱火堯死焉女年十八聞之誓以死殉母寡居哭勸曰吾母子相依爲命汝死吾亦死乃稍進粥久之堯父母俱死里中聞其賢爭求婚女曰吾示以有歸則衆望絕矣遂奔喪成禮而返居數年有道士來曰我陳必堯也鄉人聚而觀之果是言昔事甚詳必堯小指尖缺一驗之果然女曰吾心如石卽今在已於我無與

道士嗟歎而去至年五十餘聞於朝下禮部命有司給粟帛旌之御史康某又檄發贖鍰爲治第第成縣令擇日請移居盛服鼓樂迎之女拜簾內令拜簾外士女往觀罷市莫不感悅

唐治妻袁氏 虞磨妻沈氏

按興化縣志袁氏生員唐治妻夫沒撫遺孤應元應元時有儁才之目氏年七十四以完節終其身縣令旌之 按興化縣志沈氏醫官虞磨妻夫亡撫遺腹子五臣守節五十六年年八十四縣令旌之

唐洪鐘妻陳氏

按興化縣志陳氏生員唐洪鐘妻年二十一洪鐘沒斂以單衾陳遂終身衣單雖隆冬不易與姑處不離前後家業爲豪族所奪晝夜執女紅以給姑死無嗣煢煢子立又三十餘年而卒

孫偉妻劉氏 龔廷茂妻錢氏

按興化縣志劉氏孫偉妻年二十而嫁閏十月偉亡撫遺腹子試貧苦萬狀試長亦以孝聞縣令旌表 按興化縣志錢氏龔廷茂妻年二十二夫亡守遺腹子汝成及長事母至孝縣令歐陽東鳳

表其門

陸鳳苞妻徐氏

按興化縣志徐氏陸鳳苞妻年二十二苞亡斷髮毀容以撫遺腹子士元翁老且痢氏親調湯藥手滌其穢衾枕必潔縣令歐陽東鳳申請於上賜粟帛旌其門

王性妻姚氏

按寶應縣志姚氏生員王性妻性亡氏年二十三守節四十年卒嘉靖中縣令岳東升上其事旌表

叢梓妻許氏

按如皋縣志許氏沿海鄉叢梓妻年二十而寡遺孤伍方在襁褓父母欲奪其節抱伍號慟誓死不從伍長爲娶婦生二孫而伍沒許又撫兩孫成立閭里誦其苦節

劉待時妻陳氏

按如皋縣志陳氏諸生劉待時妻時天無子稍有家陳年二十撫從子應鸞長蕩其產流落以死陳不以顛沛易其守又依從子應鵬而應鵬亦貧氏以十指餬口年七十餘卒

胡桂妻石氏

按如皋縣志石氏胡桂妻桂患癘石事之不嫌穢桂沒無子守節事舅姑舅姑咸躋八袞嘗語人喜得孝婦年六十一終

張璽妻石氏

按如皋縣志石氏東廂張璽妻璽母陳中歲居孀璽長娶石年十八未有子而璽亡石勵節事姑椎布操作祁寒纒紉龜手不辭撫羣從子及從孫如己出孀居五十八載卒年七十有八

陳廷貴妻殷氏

按如皋縣志殷氏雙店殷琇女陳廷貴妻甫生二子廷貴溺倡家不入殷寢家亦漸落亡何貴亡殷年二十七家人欲更嫁之殷抱夫木主攜二子往依其妹居焉嘉靖中倭寇掠二子及殷殷牽倭衣頭搶地請代二子死倭拈土寘刀頭向天以矢不殺意竟掠二子去殷數日不食幾死會倭敗二子得生還氏年七十餘卒

盧果妻王氏

按如皋縣志王氏安定鄉廬果妻年二十而寡家徒壁立撫遺孤足不踰閭五十年年七十縣令仇昊躬造廬旌之給以衣帛

夏輔妻陳氏

按如皋縣志陳氏夏輔妻年十七歸輔居六年而寡子或方四歲家貧矢志執女紅以課或學既補諸生高等將及貢而廢學力勉之復攻苦或先母亡陳年八十三卒

王循妻丁氏

朱氏胡氏附

按通州志丁氏王循妻與王宰妻朱氏俱年十八王綸妻胡氏年二十九皆出一門能世其節嘉靖間御史題旌

薛環妻徐氏

王鈿妻楊氏

按鳳陽府志徐氏薛環妻環死氏年二十五撫孤相守節四十五年有司以聞詔旌表後相爲瑞州府學教授 按鳳陽府志楊氏王鈿妻年二十四夫死氏潛於臥室自縊母覺解救家貧年少兄勸他適氏嚼磁盞血淋漓暈仆勸者不敢言撫孤守節終其身

王宗顯妻莫氏

按鳳陽府志莫氏王宗顯妻年二十五夫亡撫子鉦長娶陸氏生孫誥三歲鉦又亡偕婦育孫成立
嘉靖元年邑令上聞建坊於東關春和坊

沈謙妻周氏

按鳳陽府志周氏沈謙妻年二十七夫亡姑張氏憐其無嗣勸改嫁氏以死自誓姑患癰氏侍疾左
右七年不怠嘉靖元年邑令奏聞旌表年八十有五

毛繼妻宋氏

按鳳陽府志宋氏廩生毛繼妻夫亡氏年十八苦臥神主前每夜以繼衣覆體哀毀喪明年八十四
嘉靖四十二年十月直指御史具題入夏侯令女祠祀焉

陳介齡妻朱氏

劉煜妻洪氏

呂全妻汪氏

按鳳陽府志朱氏陳介齡妻年二十二夫亡撫遺腹子垢容斂跡以事孀姑守節四十年 按鳳

陽府志洪氏劉煜妻夫亡守節奉詔建坊

按鳳陽府志汪氏呂全妻年二十夫亡守節撫孤歷

七十載終

馮應卜妻齊氏

李紹武妻沈氏

袁霽妻劉氏

按鳳陽府志齊氏馮應卜妻年十九夫亡守節歷四十餘年

按鳳陽府志沈氏李紹武妻舉人

公大母嘉靖初有司以節上聞詔旌之事實無考

按鳳陽府志劉氏袁霽妻年二十夫亡乏嗣

奉姑甚敬家貧苦節三十餘年

袁應心妻耿氏

徐氏附

按鳳陽府志耿氏袁應心妻夫亡無子與妾徐氏共守節奉姑耿年七十餘徐亦逾六十有司歲給

布二匹稻五石優恤之

陳仕廉妻謝氏

陳楹妻楊氏

按鳳陽府志謝氏陳仕廉妻夫亡自經姑驚救之責以不孝氏唯唯奉命後因葬夫無資憂痛成疾

死 按鳳陽府志楊氏陳楹妻年二十九夫亡存孤守節有司旌之入旌善亭

戚杰妻趙氏

按鳳陽府志趙氏戚杰妻年二十八夫官考功沒於京邸氏率黃口三孤間關二千里扶柩歸葬夫在官廉潔無所遺氏典衣脫簪珥奉姑教子歷節四十六年季子紳登進士贈宜人

趙完璧妻張氏

李紹善妾張氏

許應第妻祖氏

按鳳陽府志張氏趙完璧妻年二十二夫亡撫遺腹子成立守節五十年

按鳳陽府志張氏李

紹善妾夫亡無子撫螟蛉女嫁之苦節終身

按鳳陽府志祖氏許應第妻年二十五夫亡守節

終老

施孔教妻朱氏

李氏女

按鳳陽府志朱氏施孔教妻夫病篤氏刲股代醫及夫殞事翁撫子女守節六十年

按鳳陽府

志李氏女父官副使適富家郎多不檢氏勸不悛因成釁夫亡年甚少不以宿怨改操

趙之鼎妻戚氏

季映陽妻劉氏

按鳳陽府志戚氏趙之鼎妻夫亡氏年二十六孝事孀姑王氏撫幼子然成立

按鳳陽府志劉

氏適李映陽七載翁姑與夫相繼殞氏哀愴經營育三孤子歷數十年不變

錢隆妻林氏

錢芳妻樂氏

錢芝妻朱氏

按鳳陽府志已上三婦俱夫亡守節建坊事實無考

明洞妻芮氏

按鳳陽府志芮氏明洞妻年二十九洞死氏娠方兩月與夫訣曰生男則守不則從死及彌月生男氏爲夫肖遺像日抱子以見因名子朝望長授以書望亦克自勵爲諸生守節四十餘年旌其門

王鳴鳳妻俞氏

朱應高妻王氏

呂氏附

按鳳陽府志俞氏王鳴鳳妻年二十四夫死踰七月生遺腹子因名遺守節教遺終始無二 按鳳陽府志王氏朱應高妻適高二載夫死翁欲嫁之氏以襁褓弱息勢不能死剪髮拒之高弟應尙妻呂氏亦適尙三載而寡苦節如王

解語妻張氏

李邦文妻王氏

解麟妻賽氏

按鳳陽府志張氏解語妻適語三載夫亡無子守節終其身

按鳳陽府志王氏李邦文妻年十

九夫亡撫孤守節歷六十年終

按鳳陽府志賽氏解麟妻甫歸卽寡家貧守節終其身

戴貢妻汪氏

蔣勁妻田氏

莫景和妻邵氏

鄒氏附

按鳳陽府志汪氏戴貢妻年二十夫亡孝姑撫子守節不二嘉靖中邑令表其門

按鳳陽府志

田氏蔣勁妻年二十夫亡養姑守子苦節四十餘年

按鳳陽府志邵氏莫景和妻年二十夫亡

守節撫一歲孤止及長娶鄒氏止又天復撫孤孫爭能與鄒共終老

馮思仁母毛氏

王巡妻朱氏

馮霽妻周氏

按鳳陽府志毛氏馮思仁母夫亡守志四十年學宮傾地氏助田以葺之

按鳳陽府志朱氏王

巡妻夫亡苦節四十餘年撫子風仁成進士仁具疏陳情奉詔旌表

按鳳陽府志周氏馮霽妻

年十九夫亡守節歷五十餘年奉旨旌表

張應第妻王氏

王風行母馬氏

按鳳陽府志王氏張應第妻貢士問母進士斗祖母早寡守節三十年旌表

按鳳陽府志馬氏

王風行母夫亡風行止一歲氏守節撫孤備歷艱苦四十餘年

孫日隆母周氏

劉恩妻蔡氏

郭氏王氏附

按鳳陽府志周氏諸生孫日隆母夫亡守節四十餘年

按鳳陽府志蔡氏劉恩妻與恩弟意妻

郭氏郭媳應乾妻王氏娣姒姑婦同室孀居矢志若一

盧應鴻妻周氏

高履中妻楊氏

顏如愚妻支氏

按鳳陽府志周氏盧應鴻妻年二十二夫亡守節歷五十餘年終

按鳳陽府志楊氏高履中妻

翁高仰之知山西壽陽縣氏年十八履中客死旣而翁姑皆沒於任氏扶櫬歸治三喪守節五十餘

年 按鳳陽府志支氏諸生顏如愚妻夫早亡氏錮一室薪水之外無所需歷四十年不變

汪淵妻李氏

楊官妻黃氏

按鳳陽府志李氏汪淵妻夫早亡氏奉八旬姑撫兩月兒守節終老

按鳳陽府志黃氏太學生

楊官妻年二十五夫亡守節知州申請題奏建坊於南門黃氏舊日汲井時出氣如桂花追命下而

香滅人咸異之

傅汝賢妻彭氏

蔣賢妻周氏

劉氏附

按鳳陽府志彭氏傅汝賢妻夫亡氏年二十五矢志守節終其身

按鳳陽府志周氏諸生蔣賢